



Mo se Ekalesia Fa'a-Sinoti
Fegalegalea'i Auai Tala'i

Tusi Taiala Ole Sinoti

Mo se Ekalesia Fa'a-Sinoti

Puleaga Fa'a-Akiepikopō o Ueligitone

Te Rohe Pīhopa Katorika Matua o te Ūpoko o te Ika

Tusi mo E Auai



“O le Fa’a-sinoti e amata ile ua’i atu ole fa’alogo i Tagata uma o le Atua.

O se Ekalesia e a’oa’o atu, e tatau ona muamua avea o se Ekalesia e fa’alogo. O le talanoa ma feutaga’i ma sui uma ole Ekalesia e matuā ogaoga lona tāua, auā e pei ona fa’amanatu mai iā tatou e le Fono Aofia a le Vatikano Lua, ole aoao ole ‘au fa’atuatua, o ē ua fa’au’uina e le Agaga Paia..

O le itu e tulaga’ese ai le ala fa’asinoti, ona ole matafaioi a le Agaga Paia. Tatou te fa’alogo, tatou te fetūfaa’i ma isi, ae aupito maualuga ai lo tatou fa’alogo lelei, ile mea e fai mai ai le Agaga Paia. Ole mafua’aga lenā, ou te naunau ai mo tagata uma ina ai tautala sa’o ma fa’alogo ma le fa’aeteete i isi tagata, auā o i’inā foi, o lo’o tautala mai ai le Agaga Paia. Ia tatala o tatou loto mo ni suiga ma ni mea fou, auā ole Sinoti o se suiga ma se fa’afouga mo tagata uma”.

A large, light gray silhouette of a diverse crowd of people walking away from the viewer. The crowd includes men, women, and children, some carrying bags or umbrellas. The background shows faint outlines of trees and hills.

Pope Faranisisi
(Let Us Dream, 2020)



Archbishop of Wellington

PO Box 1937, Wellington 6140, New Zealand

Setema 2021

Le Nu'u Peleina e o le Atua,

Ou te mana'o ina ia outou 'auai i tualumaga uma ole Sinoti lenei. O lou papatisoga ua vala'auina ai oe ma avea ai oe ma tagata filifilia e tatau ona 'auai.

O se tasi o saunoaga aupito taua a lana afioga Pope Falanisisi, ua ou faalogo iai, na faia lea i Roma ile tausaga e 2015, ile fa'amanatuina ole 50 tausaga ole Sinoti a le Au Epikopō. Ou te manatua lelei, lona fa'apea mai: "ia 'aia nei galo ia i tatou le mea lenei, e tasi ā le pule, ua nā ole pule e auauna ai". E tele taimi ua ou ta'ua ai lea saunoaga i nai tausaga ua mavae atu nei. Ua uma ona ta'u mai e Pope Falanisisi ia i tatou, e lē taua se tofiga, po o ni la'ei fa'apitoa, po o se fa'aailoga fa'alea'oa'oga, e avea ai i tatou ma ni taitai i totonu ole Ekalesia, ae ole auala e fa'atino ai le tatou tautua. Ua ia silafia lelei lo tatou vala'auina i le papatisoga, ina ia tatou faimalaga fa'atasi. Sa ia toe fa'apea mai foi i lana tusitusiga e fa'aulutalaina ole, Evangelii Gadium e fa'apea, "e lē lava pe afai e fa'atulaga se fuafuaga mo le fa'atalaleleiga e fa'atino e tagata ua iai le tomai fa'apitoa, ae malōlō ma leai se mea e faia a le to'atele ole au fa'atuatua".

Ole tatou Ekalesia, e leai se tasi e tatau ona fa'apea o se sui na ole usita'i ae leai se mea e faia. O le tusi o fa'amatalaga tapenapena mo le Sinoti lenei, ua aumai ai mo tatou "le mafai e manatunatu loloto ai i se lumanai e 'ese mai mo le Ekalesia Aoao ma ona itutino 'ese'ese, ina ia tausisia pea lana misiona tala'i e pei ona iai"

Ou te talosia lava ma ou naunau ina ia e 'auai ma e a'afia i fuafuaga mo se lumana'i e iai ni suiga mo le Ekalesia. Fa'amolemole ia fa'aaoga lenei avanoa taua mo tatou. O le sinoti lenei o lo'o fa'amoemoe e suia ai le tulaga moni sa iai ile tele o tausaga, ole leai lea o se leo ma se sao o le to'atele o tagata ole Atua i totonu ole Ekalesia. E telē lou sao e fai ai se suiga i lea tulaga. Malie e talia le vala'au ina ia e auai i tualumaga uma ole Sinoti lenei.

Fa'atasi ai ma fa'amanuiga ma mo'omo'oga lelei,

Ioane A Katinali Dew

Akiepikopō o Ueligitone.

Archdiocese of Wellington, 22-30 Hill Street, Thorndon, Wellington 6011, New Zealand

T: 04 496 1766 E: j.dew@wn.catholic.org.nz

FAASOLOGA O MATAUPU

	Itulau
Tatalo ole Sinoti	5
Ole a le Fa'a-sinoti? Fa'amatalaga ole Sinoti lenei	6
Sinoti 2021-2023 – Ole Aotelega ole Fa'amoemoe	8
Ole Pitola'au a le Pule'aga – Fa'ai'uga Tatalo	10
- Fa'ai'uga Tatalo Ta'ito'atasi	11
- Fa'aiuga Tatalo To'atele – Talanoaga Fa'ale-Agaga	12
- Fa'apefea ona e Tali atu	13
- Ole Fesili Tupito – “Faimalaga Fa'atasi”	14
- Soifua Fa'a-sinoti – Autū e Sefulu e Mafaufau iai	15
- Fo'ia o ni fa'afitauli	19



Mo se Ekalesia Fa'a-Sinoti
Fegalegalea'i Auai Tala'i

TATALO MO LE SINOTI

ADSUMUS SANCTE SPIRITUS

O vaega ta'itasi ole Sinoti e amata ile tatalo ole Adsumus Scante Spiritus, o le upu muamua ole fa'a-Latina, o lona uiga, "Matou te tula'i i Ou luma, Agaga Paia e," sa fa'aaoga tu'ufa'asolo mai Tauaofiaga a le Lotu, Sinoti ma isi faatasiga a le Ekalesia mo le fia selau tausaga, ma e talitonuina o se tatalo na saunia e Sagato Isitolo o Seville (.560-4 Apr 636). A o tatou opogiina Taualuma o lenei Sinoti, o lenei tatalo, o le vala'au lea ile Agaga Paia, ina ia galue i totonu o i tatou, ina ia mafai ona avea i tatou ma ni ē mafuta fegalegalea'i ma ni tagata ua fa'amanuiaina.

E te Wairua Tapu, ka tū mātou ki tōu aroaro, i a mātou e hui kotahi i runga i tōu ingoa.

**Ko koe anake hei arahi i a mātou,
Noho mai koe ki ō mātou ngākau;
Whakaakona mātou ki te huarahi e tika ai te haere, ā, me pehea e taea e mātou te whai atu.**

**He ngoikore mātou,
he hunga hara anō hoki;
Kaua mātou e kawea
i te mate koretake.**

**Kaua e tukua te kuware e arahi i a mātou ki te huarahi o te hē
Kaua anō hoki te mariu e whakaaweawe ki a mātou mahi.**

**Kia kite mātou i ta mātou kōtahitanga i roto i ā koe
kia haere ngātahi ai mātou ki te oranga tonutanga
ā, kaua hoki mātou e kotiti kē i te ara o te pono me te ara tika.**

**Ka inoi mātou ki ā koe,
nāu e ora nei i ngā wāhi katoa
me ngā wā katoa,
i te kōtahitanga o te Matua
me te Tamaiti mō āke āke.**

Āmene.

**Matou te tutu i Ou luma, Agaga Paia e,
'a 'o matou mafuta fa'atasi i lou lava Suafa.**

**Ua na o Oe lava e ta'ita'ia i matou,
afio e fai o matou loto ma ou maota:
A'oa'o matou ile ala tatau matou te ui ai
ma fa'apefea ona matou sa'ili atu iai.**

**E vaivai ma agasala i matou nei:
'aua nei avea matou ma faatupu vevesi.
'Aua ne'i avea le fa'atamala e ta'ita'ia
i matou ile ala sesē atoa ma uiga le ato'ato'a
e lamatia ai a matou galuega fai.**

**Ia matou maua i lau Afio lo matou maopoopoga
e mafai ai ona matou faimalaga faatasi atu ile ola e fa'avavau, ma ia matou lē sēsē 'ese ai mai le ala ole mea moni, ma le mea tonu.**

**O nei mea uma matou te tatalo atu ai i lau Afio,
'o Lē o lo'o galue pea i so'o se mea i taimi uma i le mafutaga fegalegalea'i ma le Tamā ma le Alo,
e fa'avavau, fa'avavau lava.**

Amene.



O LE A LE FA'ASINOTI?

FA'AMATALAGA OLE SINOTI LENEI

A o alo atu le Ekalesia i lana faigamalaga fa'asinoti, e tatau ona maua'a o tatou lagona e fa'atatau ile fa'alogo lelei ma le faia o fa'ai'uga tatalo ile ala e aga'i atu ai ile avea ma Ekalesia ua vala'auina iai tatou e le Atua.

O le taloina o lenei Sinoti, ua vala'auina ai e Pope Faranisisi, le Ekalesia Aoa, ina ia tomanatu i se autū e mausalī mo lona ola ma lana misiona: "O le mea moni lava, ole auala fa'asinoti ua finagalo iai le Atua mo le Ekalesia mo le meleniuma lona tolu". O le faigamalaga fa'atasi lenei, e le gata o se meaalofa a e o se galuega foi, e so'oso'o atulau ma le fa'afouga ole Ekalesia, e pei ona fautuaina mai e le Fono Aoa ole Vatikano Lua. O le tu'ufaatasia o tatou manatu ile tulaga ua o'o iai le tatou faigamalaga, ole a mafai ai e sui auai 'ese'ese ole Ekalesia, ona a'oa'o mai le tasi i le isi i manatu ma lagona, ile ta'ita'iga a le Agaga Paia. O le fa'aosofia e auala ile Upu a le Alii ma le tu'ufaatasia ile tatalo, ole a mafai ai ona tatou faia ni fa'aiuga tatalo mo ni faiga talafeagai e sa'ili'ili ai le finagalo ole Atua, ma tuliloaina auala ole a vala'auina ai tatou e le Atua – agai i se **mafutaga loloto fegalegalea'i**, e fa'atinoaina ma le ato'ato'a, ma tatala ai avanoa e fa'ataunuaina ai le tatou **tala'iga/misiona** i lenei lalolagi. O le fa'asinoti, ua fa'amatalaina e le Komisi o A'oa'oga Fa'atelosia Fa'alevaomalo (International Theological Commission), fa'apenei:

O le 'Sinoti', o se upu ua anamuā ona fa'atau i tu ma aga masani ole Ekalesia, o lona uiga e afua mai i autū loloto ole Tusi o Fa'aaliga. E atagia ai le auala e savavali fa'atasi ai Tagata ole Atua. E uiga tutusa lava ma le fetalaiga a le Alii o Iesu, na ia ta'ua ai, o la o le "ala, le upu moni, ma le ola" (Ioa 14.6), ma le mea moni o le au Kerisiano, o lona Auso'o, na mua'i ta'ua o "latou e mulimuli ile Ala" (Galu 9.2:19, 9.23:22.4:24, 14.22)

O le mea muamua e fa'atau, ole fa'asinoti, o lona uiga o se faiga ma se auala fa'apitoa e fa'amatala ai le olaga ma le tala'iga a le Ekalesia, ma fa'aalia manino ai le natura o Tagata ole Atua, e faimalaga fa'atasi ma fa'apotopoto, ile vala'au a le Alii o Iesu e auala ile mana ole Agaga Paia mo le fa'alauiloaina o le Talalelei. E tatau ona fa'alauiloa ma fa'aalia le agaga ole Fa'asinoti e auala i tulaga masani ole soifuaga ma le galuega a le Ekalesia..

O lea tulaga, ua mafai ai ile fa'asinoti ona savavali faatasi agai i luma Tagata ole Atua ma fa'alologo ile Agaga Paia ma le upu a le Atua, mo le auai/fa'atinoina ole galuega tala'i/misiona a le Ekalesia, ile fegalegalea'i/mafuta faatasi na fa'avae e le Keriso i lo tatou vafeagai ma la.O le "savavali faatasi", o le auala aupito sili lea, e mafai ona fa'atino ai le natura ole Ekalesia, o Tagata ole Atua o tagata faimalaga ma fa'a-misionare. (Vad 1.2)

O Tagata uma ole Atua e laugatasia i tofiga ma le tamali'i'aga e ala ile Papatisoga. O i tatou uma, ua vala'auina e ala ile Papatisoga ina ia avea o tagata galulue/ auai/fa'atino ile olaga ole Ekalesia.I totonu o palisi, mafutaga laiti a tagata-lotu, fa'alapotopotoga fa'alelotu, ma isi ituiga o mafutaga/faatasiga, e alii ma tamaitai, tupulaga talavou, ole au matutua, ua vala'auina tatou uma, ina ia fa'alogo le tasi i le isi, ina ia mafai ona tatou lagona le musumusuga a le Agaga Paia, lea e afio mai e ta'ita'i a tatou taumafaiga fa'a-le-tagata, ma manava mai le ola ma le malosi i totonu ole Ekalesia ma ta'ita'i atu i tatou ile loloto ole mafutaga fegalegalea'i mo la tatou misiona/tala'iga ilenei lalolagi. A o agai atu le Ekalesia i lenei malaga fa'asinoti, e tatau ia i tatou uma ona, fa'aaoga agava'a uma e faalogologo ai ma le toto'a ma faia fa'ai'uga mausalī i le auala e mafai ai ona avea tatou ma Ekalesia e finagalo iai le Alii.





SINOTI 2021 - 2023

AOTELEGA OLE FA'ASOLOGA

O le malaga fa'asinoti na amatalia i totonu ole Vatikano fa'apea ai ma Aulotu 'ese'ese, lea na tatala aloaia e le Tamā Paia ile Vatikano ile 9-10 Oketopa 2021. Na soso'o lea ma sauniga na tatala ai aloaia i malumalu ma aulotu 'ese'ese ile Aso Sa 17 o Oketopa 2021. O Setema 2021, na lomia ai e le Failautusi Aoao mo le Sinoti a Epikopō, ia se Pepa Tapenapena, sa fa'asalalauina fa'atasi ma se Pepa o Fesili ma se Tusi Ta'iala, ma fautuaga mo le fa'atalanoaina i totonu o malumalu ta'itasi. Sa tufatufaina atu ia fa'amatalaga uma i ituaiga 'ese'ese ole Ekalesia Aoao, fa'apea aulotu uma, fa'alapotopotoga a le Ekalesia, atoa ai ma iunivesite ma A'oga Fa'atelosia i itu e fia ole lalolagi.

VAEGA FA'A-PULE'AGA

Oketopa 2021 - Iuni 2022

O le fa'amoemoe autū o lenei vaega, ole feutaga'i lea ma le Nu'u ole Atua, ina ia mafai ona fa'atino taualumaga ole sinoti, e auāla ile fa'alogo lelei i tagata ua papatisoina. O ia feutaga'iga, e fa'ai'u i se fonotaga a'o lumana'i ai le sinoti, ole taunu'uga lea o le faiga filifiliga ole sinoti. Ole itulagi i saute ole kelope, e tatau ona fa'atino lea tulaga, ile va o Oketopa 2021 ma Iuni 2022 e aofia ai finagalo tali e talia pea seia o'o ileaso 30 Aperila 2022.

ATUNUU TAITASI/ VAEGA FA'A-KONITINETA

Iuni - Aukuso 2022

Ole mae'a ai ole vaega fa'a-pule'aga, e tatau ai i falesa ta'itasi ona tau'a'aoina atu o latou sao i le Fono a Epikopō e aofia ai latou. Ole a amata ai vaitaimi e mafaufau loloto ai ma fa'alogologo epikopō ua aofia, i musumusuga a le Agaga Paia i falesa 'ese'ese, e pei ona tu'uina atu ia i latou. O le latou ata tu'ufa'atasi, ole a tu'uina atu ile Ofisa ole Failautusi ole Sinoti a epikopo faatasi ai ma le sao o falesa ta'itasi. Ole ata tu'ufa'atasi a Fono ta'itasi a Epikopo, ole a aofia ile fono a'o lumana'i ai le Sinoti fa'a-konitineta, a'o lei o'o ia Mati 2023.

VAEGA AOAO

Setema 2022 - Oketopa 2023

O fa'amatalaga uma mai konitineta e fitu, ole a avea ma vaega ole 'Instrumentum Laboris', po o le 'pepa faigaluega' mo le Sinoti a Epikopō i Roma ia Oketopa 2023.

VAEGA FA'A- PULE'AGA

Feiloai falesā ta'itasi ma fa'alapotopotoga e soālaupule ma tali atu i fesili ole sinoti. O ia tali e tatau ona tu'uina atu ile pule'aga.

... ..ole fa'amoemoe ole Sinoti, e lē na ole lolomiina ai o pepa o fa'amatalaga, ae " ia totoina ni fa'alepō, ma aumaia i lumāmea ni perofetaga ma ni fa'aaliga, ma fa'atagaina ai le fa'amoemoe ina ia tāolaola, fa'aosofia le talitonu, fusifusia ni manu'aga, lalaga fa'atasi le vafealoaloa'i, fafagu se taeao fou ole fa'amoemoe, a'oa'o mai le tasi i le tasi, ma fausia se agaga ola e mafai ona fa'amalamalamaina ai mafaufau, ma fa'amafanafanaina agaga, ma malolosi ai o tatou lima ...

(PD32)

VAEGA FA'A- KONITINETA

O fa'amatalaga tusitusia uma e 'oto'otoina i totonu o se fa'amaumauga se tasi a NiuSila, e fa'atulaga ai tali mai pule'aga ta'itasi. O lea fa'amaumauga, ole a tuufaatasia i totonu o se fa'amaumauga aloa'ia a atunu'u ole Oseania (Oceania) ma fa'ao'o atu ai ile Sinoti a Epikopō.

VAEGA AOAO

O fa'amaumauga ta'itasi mai konitineta e 7, ole a aumaia i luma ole Sinoti a Epikopō, e liuliu iai le tofā ile leo ma mana'oga o tagatā lotu ma faia ai filifiliga mo le itulagi

OLE VAEGA FA'A-PULE'AGA

Ua vala'auina tagata uma ole Pule'aga Fa'a-akiepiopo e 'auai ile vaega muamua o le fa'atalanoaina ole Sinoti lenei (mai ia Oketopa ia Tesema 2021). O le tusi la'ititi lenei, ua aofia ai nisi o fa'amatalaga e uiga ile fesili autū ole Sinoti ma autū e sefulu o lo'o tu'uina atu e felafolafoa'i iai.

“...ua vala'auina i tatou uma e fa'alogo le tasi i le isi, ina ia mafai ai ona lagona musumusuga a le Agaga Paia, o ia e afio mai e tapasā a tatou taumafaiga fa'aletagata, manava mai le ola ma le malosi i totonu ole Ekalesia ma ta'ita'i atu i tatou ile loloto ole mafutaga fegalegalea'i mo le tatou galuega tala'i/misiona i lenei lalolagi.”

(Vad 1.2)

FA'AI'UGA TATALO

O tali uma e tusa ole fa'amaumauga lenei, mai se tagata e to'atasi pe mai se vaega po'o se fa'alapotopotoga o tagata, e tatau ona maua mai ile taunu'uga o ni **fa'ai'uga tatalo sa feagai ai**. O Fa'ai'uga Tatalo, o se auala e faia ai ni fa'ai'uga pe taunuu ai i le tali o ni mataupu e auala i talosaga. O le to'atele o lo outou mamalu e masani ile uiga ole Fa'atinoga Fa'aleagaga a Sagato Ikenasio o Loyola, lē na fa'avaeina le ituaiga ole Iesu (Jesuits). E masani ona saunoa so'o Pope Falanisisi ile mataupu lenei ole faia o Fa'aiuga Tatalo:

“O Fa'ai'uga Tatalo, o se tasi o tulaga sa malosi ai Sagato Ikenasio. O se au'upega sa ia fa'aaogaina i lona taumafai e fia iloa le Ali'i ma mulimuli vāvā lalata ia te la...O Fa'aiuga Tatalo e faia fa'atasi ma le Alii, e va'ava'ai i ni fa'aailoga, fa'alogologo i mea e tutupu, ole lagona o tagata, aemaise lava o e matitiva.”

Pope Falanisisi, Aukuso 2013.

O le finagalo Patele James Martin SJ ile mataupu ole Fa'aiuga Tatalo:

“O le fatu ole mataupu lenei, e amata ile talitonuga e finagalo le Atua mo se tagata, po o se vaega o tagata, e faia ni fa'ai'uga lelei, soifua maloloina ma fa'aola-totoga: ma ole 'fa'aiuga tatalo fa'aleagaga,' o lona uiga, ole faavasegaina o mea mai le Atua mai isi mea, o iina e manino ai le tagata ile mea aupito sili e tatau ona fai. O lona uiga e le gata ina mana'o le Atua ile tagata po'o vaega o tagata ina ia faia ni fa'aiuga lelei, ae na te fa'atagaina foi lea tulaga.”

Ole tatou vafeagai ai ma le Atua, ole fatu lea o le faia o fa'aiuga tatalo. E amanaia e le Atua lo tatou sa'olotoga, e auala lona galue faifai malie ma tatou. O le uiga o lea mea, e tatau ia i tatou ona matuā fa'aleleia ma fa'a-ato'ato'a lo tatou fa'alogo ile Atua. O le fa'alogo ile Atua ile vaofilifili o isi leo i totonu ma fafo o tatou olaga, ole mea tonu lea e ta'ua ole faia o fa'aiuga tatalo.

E fa'apefea ona tatou mautinoa, o lo'o tatou fa'alogo ile Atua ma mulimuli i gaiouga a le Agaga Paia i totonu o tatou tagata, po o se fa'apotopotoga o tagata? Fesili "Pe o ia te a'u le filemū i lenei mea? Pe ua ou to'afilemū nei, aemaise ai pe afai ole mea sa ou manatu iai muamua ole mea aupito sili lea e tatau ona fai, ae ua suia nei lo'u mafaufau? Po o a'u ua lē mautonu ma popole?"

O le lelei ole fa'atinoina o le faia o fa'aiuga tatalo e maua ai le manino ma le to'amalie. Afai e lē mautonu ma popole, o lona uiga e iai mataupu fa'aletagata ua fai ma fa'alavelave.

FA'AIUGA TATALO FAI TO'ATASI

Afai e te mana'o e fai sau tali faito'atasi, e ono fesoasoani le faiga faigofie lenei mo oe ina ia manino le mea o lo'o e fia tautala iai.

1. Va'ai se taimi paganoa e tatalo ai pe fa'apefea ona e taunuu i lau tali. Aua nei e amata ile autū. Ae taumafai e sa'ili le filemū e mulimuli i le mea e ta'ita'i oe iai e le Atua, ia lafoa'i mana'oga ma vaivaiga fa'aletagata, ae tatalo mo le onosa'i ina ia mafai ai ona faasolosolo mālie le taunu'uga o lau tali.

2. A uma le taimi tatalo, ona mafaufau loloto lea i upu nei:

"O le Ekalesia fa'asinoti, ma le fa'alauiloaina ole Talalelei, "e faimalaga faatasi"

- O le a so'u manatu muamua e tali atu ai i ia 'upu?

- O ta'ita'i atu ai a'u i se tasi o autū?

3. O le taimi e te aga'i ai e iloilo se tasi o autū, ia e taumafai e fa'amuumua manatu ma ou lagona e ono a'afia ai lau tali:

- O le a so'u lagona ile autū lenei?

- O lagona ia fa'amata e mafua mai i so'u iloa? Pe ua iai se a'afiaga ona o isi tagata?

- Ole ā le mea e tupu pe afai ole a fa'aaogāina o'u lava lagona?

- O le ā le finagalo ole Atua mo a'u e uiga i le autū lenei?

O mafaufauga ma lagona atoa ma fa'alogona lē lelei e mafua mai ile autū, e fa'alavelaveina ai le fa'alogo ma le lagona ole mea o lo'o fai mai ai le Atua. Tatou te iloa o lo'o tatou fa'alogo ile Atua, pe afai e fou ma logomalie o tatou lagona ma mafaufauga, e filemū ma tele manatu fou e fa'atonuina ai tatou i fa'aosofiaga i ona tua atu.

4. Fai ma tusitusi i lalo au upu fa'amanatu e fa'aaoga ile taimi e sauni ma tapena ai lou sao ile fetufaa'iga/fa'atalanoaga lautele. Fa'asoa atu lau tali i totonu o se vaega/fa'apotopotoga o tagata, po ole auina sa'o atu ile Ofisa ole Pule'aga. Fa'a-akiepipoko e auala i feso'otaiga televavave (online tool) ile itulau 13.

FA'AIUGA TATALO FA'A-VAEGA

FA'ALILIUGA FA'ALEAGAGA

O le faiga talafeagai mo talanoaga fa'avaega e fetui lelei ma le agaga ole fa'asinoti, ole Talanoa Fa'aleagaga, lea e fa'atāuaina ai le auai, faalogo lelei, tautala ile uiga o mataupu, ma le faia o fa'aiuga tatalo fa'aleagaga.

O tagata auai e mafai ona tu'ufa'atasia i totonu o ni vaega pe to'a 6-7 tagata 'ese'ese. O lea faiga e tatau ona tasi le itula e faatino ai ni ta'amilosaga se tolu. O se talanoaga e faia fa'atalosaga.

O le ta'amilosaga muamua, pe a uma se taimi e tatalo ffilemū ai, ona tu'u lea ole avanoa fa'asolosolo i tagata uma e fa'asoa mai ai i lana tatalo, e uiga i se tasi o mataupu ole a tufatufaina muamua (pei ona faamatalaina ile itulau 14-18). E leai se talanoaga e faia ile ta'amilosaga muamua lea, ae na ole fa'alologo o tagata uma i le sui e tautala ma taumafai e iloa le galuega a le Agaga Paia i totonu ole tagata lava ia, fa'apea le tagata o lo'o faia lana tautalaga atoa ai ma le vaega atoa. E soso'o lea ma se taimi e manatunatu ffilemū ai i mafaufauga ma lagona ta'ito'atasi.

O le ta'amilosaga e lua, e fefa'asoa'i ai sui ole vaega i se mea aupito tāua **sa ia maua mai le fa'asoa a se tasi sui** ile ta'amilosaga muamua. E mafai ona faia se talanoaga. E soso'o lea ma se taimi e manatunatu ffilemū ai.

Ole ta'amilosaga lona tolu, maua le avanoa o sui uma e fa'asoa ai i le mea aupito tāua ia i latou ile talanoaga atoa. E faamauina i lea taimi nisi lagona fou atoa ma ni fesili e le'i maua iai ni tali. E mafai ona fa'ai'u le fetufaa'iga i ni tatalo fa'afetai. E masani ona iai se tasi e taitaia fetufaa'iga a vaega to'alaiti nei, atoa foi ma se tasi e tusitusia ma fa'amauina fa'amatalaga.

Ole taimi e mae'a ai fetufaa'iga a se vaega, e mafai e sui auai ona toe lauliliu ma fa'asoa mai o latou manatu e tusa ole faiga na fa'atino ai a latou talanoaga fa'alevaega.

- O le a so latou lagona?
- O a ni fa'aletonu ma ni fa'afitauli?
- O a ni mea fou na latou maua?
- O le a se mea ua latou maua mai ile faiga o lo'o fa'afoe ai le sinoti?
- Sa fa'apefea ona galue ma auai le Atua i totonu ole talanoaga?

E mana'omia sui auai ina ia faia sa latou fa'ai'uga e tusa ole tali e manana'o e fa'a'ailoa mai aloa'ia. O fesili ta'iala mo le 'oto'otoina o lipoti a le Puleaga (pei ona ta'ua ile itulau 14-18), e tatau ona fa'aaogaina mo le tali lenei i totonu o falesa ma puleaga taitasi.

E FA'APEFEA ONA E TALI ATU

E talia le sao o tagata fa'ito'atasi ma vaega o tagata ina ia auai ma a'afia ile sinoti. O a outou tali e mafai ona aafia uma ai autū, pe na ole tasi foi se autū po o se vaega filifilia o autū. E mafai ona fa'aaoga fesili o lo'o tu'uina atu fa'atasi ma ia 'autū e amata ai pe avea ma ta'iala fesoasoani. E lē tatau ona tapula'a le tali mai i 'autū i fesili o lo'o tu'uina atu ai.

E tele isi auala e mafai ona e tali mai ai:

FESO'OTA'IGA TELEVAVAVE: Asiasi ane ile www.wn.catholic.org.nz/about/archdiocesan-synod ma mulimuli i fa'asinoga mo fesili. A lē o lena foi, e mafai ona e maua le feso'otaiga mai le talafou i luga ole upega o feso'otaiga a le Pule'aga (Archdiocesan homepage): "Take part in the Synod".

IMELI: Tatala le fa'amatalaga mai le Word "Synod participation response" mai le upega o feso'otaiga a le Pule'aga. E mafai ona fai pe a e alu ile www.wn.catholic.org.nz/about/archdiocesan-synod/. E mafai foi ona maua mai le fa'amatalaga lenei mai le Word i Ofisa o Palisi ta'itasi. Imeli mai lau tali ile Word format ile synod@wn.catholic.org.nz

TALI MAI ILE MELI: Ia tusilima lelei pe ta i se la'au lau tali i fesili ona meli mai lea ile: Global Synod, Church Mission, Archdiocese of Wellington. Pusameli (PO Box) 1937, Wellington 6140

TALI GUTU: afai e iai ni mafua'aga e faigata ai ona faia sau tali tusitusia i fesili, e mafai ona e vili mai ile telefoni e iloa ai pe mafai ona faia sau tali gutu. Vili le numera 04 496 1715.



OLE FESILI TUTOTONU/TUPITO

O le Sinoti ua fa'atula'i mai ai le Fesili Tupito/Tutotonu e pei ona ta'ua i lalo:

O le Ekalesia fa'asinoti, i lona fa'alauiiloaina mai ole Talalelei, "e faimalaga faatasi:"

O fa'apefea ona tupu le "faimalaga faatasi" lenei i totonu o lau Ekalesia i aso nei? O a ni la'asaga o vala'auina mai ai tatou e le Agaga Paia e la'asia ina ia fa'aolaola ai la tatou "faigamalaga fa'atasi"?



Ina ia mafai ona tatou tali atu, ua vala'auina tatou e:

TO MANATU I O TATOU AGAVA'A:

Tatou fesili ifo ia i tatou, po o a ni agava'a i totonu ole tatou Ekalesia e manatua pe a talanoa ile faimalaga faatasi?

TOE FAITAU AGAVA'A IA ISE TULAGA LOLOTO:

O a ni fiafiaga na maua mai ai? O a ni fitā ma ni fa'afitauli ma tula'i mai ai? O a ni tigā na afua mai ile faigamalaga? O a ni a'oa'oga na maua mai ai?

FA'APUTU FUA E FA'ASOA ATU:

O nafea, o ia agava'a, e mafai ona va'aia pe fa'alogoina ai le Agaga Paia? O le ā se mea o fesili mai ai le Agaga Paia iā tatou? O le ā se mea lelei ua tatou faia? O le ā le mea e tatau ona sui? O ni fasitepu e tatau ona tatou la'asia? O fea tatou te malilie fa'atasi iai? O a ni auala ua matala mai mo tatou?

SOIFUA FA'ASINOTI

O autū e sefulu ua ta'ua i lalo, e atagia ai vaega aupito tāua o lo tatou “soifuaga fa'asinoti”. I le tali atu i fesili nei, e fesoasoani pe a manatua ole “faimalaga faatasi”, e tupu ma aliali mai i ni auala loloto se lua e tele ona fesootaiga. Muamua, tatou te faimalaga fa'atasi ma isi o tatou ole Fanau a le Atua. Ma le tasi, tatou te faimalaga fa'atasi o tatou ole Fanau a le Atua fa'atasi ma tagata ola uma o se auaiga. O ia vaega tetele e lua, e faamalosia'au le tasi i le isi, ma e fesoasoani tele mo le tatou faia o faaiuga tatalo agai atu ile loloto ole mafutaga fegalegalea'i ma se misiona/tala'iga e sili ona fa'amanuiaina.

E talia ma le fiafia sao mai tagata ta'itoatasi atoa ma vaega o tagata ile fa'atinoia ole auai ile sinoti. O a outou tali mai, e mafai ona aofia uma ai autū, po o se autū se tali po o ni autū foi ua filifilia. O fesili o lo'o tu'uina atu fa'atasi ma ia autū, e mafai ona avea ma vaega amata pe o ni auala fesoasoani foi. E lē tatau ona fa'atapula'a lau tali mai i fesili pei ona ta'ua.

1. O TAGATA FAIMALAGA

O totonu ole Ekalesia ma nu'u taitasi, tatou te savavali faatasi ile ala, o le tasi i autafa o le isi.

O totonu ole tatou Ekalesia, o ai tagata e “savavali faatasi”? A tatou fa'apea ifo 'ole tatou Ekalesia', o ai tagata e aofia ai i lea fa'aupuga? O ai tagata e fia faimalaga faatasi ma tatou? E fa'apefea ona vala'auina tatou ina ia tatou tutupu a'e o ni tagata e mafuta faatasi? O a vaega o tagata po'o ni tagata taitoatasi ua pa'ū mamao atu i tua ma leiloa atu ile va'ai?

2. FA'ALOGO

Ole fa'alogo ole fasitepu muamua lea – E mana'omia le tatala ole agaga ma le mafaufau, e aunoa ma ni uiga faaitu'au

O ai e tatau ona tatou fa'alogo iai? O fa'apefea ona tautala mai le Atua ia i tatou e auala i leo e masani ona tatou lē amana'iaina? O fa'apefea ona tatou fa'alogo i leo o tagata lautele, aemaise ai o tinā ma tamaita'i ma le tupulaga talavou? O a ni mea o fesoasoani pe o taofia ai le tatou faalogo? O le a se lelei ole tatou faalogo i tagata o taumamao 'ese ma le lotu atoa ma isi tatou te lē fiafia i o latou manatu? O le a se avanoa o iai mo leo o ituaiga o tagata to'aifiiti, fa'apea e ua le amanaia ma fa'atuatua'ia iai? O a lagona fa'aitu'au ma ni talitonuga sesē e taofia ai lo tatou fa'alogo i leo o isi? E fa'apefea ona tatou faalogo ile tulaga lautele ma tulaga fa'aleaganuu o tatou ola ma soifua ai?

3. OLE TAUTALA ATU

E vala'auina tagata uma ina ia tautala malosi ma le lototele i se tulaga sa'oloto, ile mea moni ma le alofa.

O le a le mafua'aga e noatia ai tatou mai le tautala atu ma le atamai i totonu o tatou Ekalesia ma nu'u? O afea, ae pe fa'aapefea ona mafai ona tatou tautala atu i se mea e t̄aua iā i tatou? O fa'aapefea lo tatou vāfeagai ai ma nusipepa ma le au fa'asalalau? O ai e tautala e fai ma sui ole au Kerisiano ma fa'aapefea ona filifilia i latou ia?

4. PATIPATIA O LE EUKALISITIA

“Ole savavali faatasi”, e fa'atoā mafai pe afai e fa'avae i luga ole fa'alogofegalealea'i ile Upu a le Ali'i ma le patipatia ole Eukalisitia.

E fa'aapefea ona fa'aosofia ma ta'ita'ia e le tatalo ma sauniga fa'alelotu lo tatou soifuaga masani ma la tatou misiona/tala'iga? E fia ni sauniga fa'alelotu e lē mafai ona maua ai lea tulaga? E fa'aapefea ona fa'aosofia ai ni fa'ai'uga t̄aua? E fa'aapefea ona tatou u'una'ia ina ia malosi le auai o tagata uma i sauniga fa'alelotu?

5. FEFA'ASOAA'I OLE MATAFAIOI MO LE TALA'IGA/MISIONA

O le Fa'asinoti ('savavali fa'atasi'), e tautua ile tala'iga/misiona ale Ekalesia, lea o lo'o vala'auina ai tatou uma ina ia 'auai

O le avea ma so'o fa'amisionare, e fa'aapefea ona vala'auina tagata uma ua papatisoina ina ia auai ma a'afia ilea tala'iga? O le a se mea e taofia ai tatou mai le tu malosi ile tala'iga? O a ni vaega ole tala'iga o lo'o tatou fa'atamala iai? E fa'aapefea ona lagolagoina e o tatou tagata i latou o lo'o tautua i tagata

lautele i le tele o auala (e aofia ai tulaga lautele ma le a'afia i upu fai o malo, o sailiiliga fa'asaianisi, atina'eina o le faimeatonu, puipuia o aiā tatau, tausia lelei ole siosiomaga, ma isi,)? E fa'aapefea ona fa'aleleia la tatou lagolagoina o isi ina ia tatou ola ma 'au'auna atu i tagata uma i se faiga fa'amisionare?



6. TALANOAGA I EKALLESIA MA NU'U

O so'o se talanoaga e mana'omia ai le fa'apalepale ma le onosa'i, peita'i e mafai ona maua ai le femalamalama'i.

E fa'aapefea ona fa'atasitasi tagata 'ese'ese o tatou nu'u e faia se talanoaga? O a nofoaga ma auala i totonu o le tatou Ekalesia/Aulotu e masani ona talanoa ai? E fa'aapefea ona galulue fa'atasi palisi tuā'oi ma nu'u atoa ma puleaga? O a ni mataupu i totonu ole Ekalesia ma nu'u e tatau ona tatou manatu mamafa iai? O a agava'a i ni talanoaga ma le galulue faatasi ma tagata o isi tapua'iga atoa ma tagata e lē lolotu. E fa'aapefea ile Ekalesia ona talanoa ma a'oa'o mai isi vaega o tagata: i upu fai o malō, tamāoaiga, aganu'u, tagata lautele, atoa ma tagata matitiva.

7. I LE VA MA ISI EKALLESIA KERISIANO

O talanoaga ile va o tagata Kerisiano o Ekalesia 'ese'ese, ua tu'ufa'atasi ile papatisoga, e iai lona tulaga fa'apitoa ile malaga fa'asinoti.

O le a le ituaiga o vafeagai o iai le tatou Ekalesia ma tagata o isi talitonuga ma tapuaiga Kerisiano? O a mea ua tatou fetufaa'i ma fa'aapefea ona tatou faimalaga faatasi? O a ni fua lelei ua tatou maua mai ile savavali faatasi? O ai ni faafitauli? E fa'aapefea ona tatou faia le isi la'asaga ile savavali faatasi agai i luma?

8. PULE MA LE AUAI

O se ekalesia fa'asinoti o se Ekalesia e galulue ma pulupululima fa'atasi.

E fa'aapefea ona fa'avasega e le tatou ekalesia nisi autū e tatau ona tuliloaina, ole auala e fa'ataunu'u ai, ma la'asaga e tatau ona faia? E fa'aapefea ona fa'atino le pūlega ma Tulafono i totonu ole tatou aulotu/Ekalesia? E fa'aapefea ona fa'atino le galulue fa'atasi ma pulupululima fa'atasi? E fa'aapefea ona siaki mea fai, a o ai foi na te faia lea galuega? E fa'aapefea ona tatou 'u'una'ia 'au'aunaga ma tofiga o tagata lautele? E iai ni o tatou agava'a i mataupu faasinoti i o tatou lotoifale? O lelei le galuega a itu tino fa'asinoti i totonu ole tatou Ekalesia (e aofia ai Komiti Fa'atonu o Palisi ma Komiti Faufautua Fa'a-Puleaga, ma isi)? E fa'aapefea ona tatou fausia se isi faiga fa'asinoti e sili atu mo galuega fa'atino ma le ta'ita'iga?

9. TALOSAGA MA FA'AIUGA FAI

O le faiga fa'asinoti, e tatou te tatalo ai mo le musumusuga ale Agaga Paia ma lona finagalo e auala mai tagata uma ole nu'u, mo le faia o a tatou fa'ai'uga.

O a faiga ma auala tatou te fa'aaogaina ile faiga o ni ā tatou fa'aiuga? E fa'apefea ona fa'aleleia ia tulaga? E fa'apefea ona tatou 'u'una'ia le lē 'auai o tagata ile faia o ni fa'ai'uga ile va feagai ai ma ta'ita'i ole Ekalesia? O fesoasoani a tatou faiga nei e faia ai fa'ai'uga iā tatou e falogo lelei ai i Nu'u ole Atua? Ole a le vāfeagai ai ole fa'atalanoaina o se mataupu ma le faia o se fa'ai'uga, ma e fa'apefea ona tatou fa'atinoina lea itū? O a ni meafaigaluega ma ni fa'atulagana e mafai ona tatou fa'aaogaina e 'u'una'ia ai le manino ma le malamalama o mea uma? E fa'apefea ona tatou tuputupu a'e i totonu o le fegelegalea'i fa'aleagaga ma le faia o fa'ai'uga tatalo?

10. TAPENAINA TATOU ILE AGAGA FA'ASINOTI

O le Fa'asinoti e aofia ai le talia lelei o suiga, tapenaina ma le a'oa'oina fa'auau.

O fa'afefea ona tapenaina e le tatou ekalesia tagata ina ia mafai ona "savavali fa'atasi", fa'alogo i le tasi, 'auai ma fa'atino le galuega tala'i, ma a'afia i ni fa'atalanoaga? O le a le ituaiga o tapenaga o lo'o faia ina ia 'u'una'ia ai le atinae'ina ole faia o fa'aiuga tatalo ma le fa'atinoina ole pule i le faiga fa'asinoti?



*... ..o se Ekalesia
fa'asinoti, o se
Ekalesia "o lo'o aga'i
i luma" o se Ekalesia
fa'amisionare " o lo'o
talai ona faitotoa"*
(PD 15)

FO'IA O NI FA'AFITAU LI

E pei a o malaga uma, e tatau ona tatou mataala mo ni fa'afitauli e ono tuta'ia ai le tatou fa'amoemoe i lenei taimi ole fa'asinoti. Ua lisi atu i lalo nisi o fa'aosoosoga e tatau ona alo'ese ai, ina ia sologa lelei ma tumau le tāua ma le aogā ole Faiga Fa'asinoti.

1. Ole fa'aosoosoga ile mana'o o tatou e ta'ita'i, ae lē o le Atua e ta'ita'ia tatou.
2. Ole fa'aosoosoga ina ia autū mea uma iā tatou ma o tatou mana'oga
3. Ole fa'aosoosoga e va'ai na o "fa'afitauli"
4. Ole fa'aosoosoga e fa'amamafa na o fa'asologa/fa'atulagana
5. Ole fa'aosoosoga e 'aua ne'i va'ai i tua atu o le Ekalesia
6. Ole fa'aosoosoga e se'e 'ese ai mai autū ma fa'amoemoega ole Faiga Fa'asinoti
7. Ole fa'aosoosoga o manatu fete'ena'i ma fevaevaea'iga.
8. Ole fa'aosoosoga e fai ai le Sinoti e pei o se Palemene.
9. Ole fa'aosoosoga e faalogo ai i na o manatu o tagata ua leva ona a'afia i totonu mea fai ale Ekalesia.



O SE UPU FA'AFETAI

O sina upu fa'afetai mo latou uma sa fuafuaina, fa'atonutonuina, ma auai i lenei Faiga Fa'asinoti.

Ole taitaiga a le Agaga Paia, ua avea ai i tatou ma ma'aola ua fausia ai e le Atua lana Ekalesia mo le meleniuma lona tolu. (1 Pet2:5)

Tau ina ia talosia i tatou uma e le Tina Paia o Maria, ole Masiofo ole Au Aposetolo ma le Tinā ole Ekalesia, a'o tatou faimalaga fa'atasi ile ala ua saunia ele Atua mo i tatou.

E pei ole afeafe aupito i luga ile Aso Penetekoso, tatou talosia lana tausiga fa'atinā ma lana tatalo e tauto'alua ma i tatou a'o taumafai e atinae ma fa'amausali le mafutaga fegalegalea'i o le isi i le tasi ma fa'atino la tatou tala'iga i lenei lalolagi.

*Fa'atasi ma ia, o tatou le Nu'u ole Atua, tatou te fa'apea atu:
"Ia faia ia te a'u, e tusa o lau fetalaiga"
(Luk 1:38)*

Ka pū te ruha, ka hao te rangatahi

A pala le 'upega tuai, ae lalaga le 'upega fou

CHURCH MISSION

Church Mission is the pastoral support team that seeks to enable intentional missionary discipleship in the parishes of the Archdiocese of Wellington.

Visit <https://www.wn.catholic.org.nz/about/church-mission/>

Archdiocese of Wellington, PO Box 1937, Wellington 6041
04 496 1715; www.wn.catholic.org.nz

Fa'aliliuina
Lauano A. Ilaoa